



UKA 2015/48
10.november 2015
Hans Aronsen

Inatsisartunut Naalakkersuisunullu il.il. ilaasortat aningaasarsiaqartitaanerat il.il. pillugit Inatsisartut inatsisaani § 6 imm. 6 naapertorlugu Naalakkersuisut allanngueqqullugit, Naalakkersuisut peqquneqarnissaannik Inatsisartut aalajangiiffigisassaattut siunnersuut taamaasilluni Naalakkersuisunut ilaasortat ulloq 1. januar 2016 aallarnerfigalugu Namminersorlutik Oqartussat atorfirmut atasumik pinngitsoorani inigisassatut inigitittagaanni ineqarnermut akiliutinik naatsorsuisarnermi maleruagassat qaqugukkulluunniit atuuttut 100 %-iinik ineqarnermut akiliuteqartalersillugit.

(Inatsisartunut ilaasorta q Tillie Martinussen, Demokraatit)

Qujanaq Tillie Martinussen Demokraatineersoq Naalakkersuisut peqquneqarnissaannik inatsisartunut siunnersuummik oqaluuserisassanngortitsininnut.

Manna siunnersuut aningaasarsianut tunngaannangilaq aammalu sineriammeersut maanilu illoqarfissuarmi naalakkersuisunut ilannguttartunut nammineq pigisaminnik illuuteqartunut aammalu nammineq illuliassanik illuuteqartunut tunngatillugu Inuit Ataqatigiinniik eqqartorusupparput.

Siullermik: Nammineq sanaanik illuliorsimasut ukiuni marlunni illoqarfimmut suliaortsimagunik uteqqinngikkunillu illu pisortanut utertitassavaat.

Aappaattut: Naalakkersuisutut pisussaaffeqarneq tunngavingalugu illugisap saniatigut allamik illoqarallartariaqalernerq.

Oqaluuserisassanngortitavit avataasigut qulaani taakkartukkavut eqqartorusukkivut Inuit Ataqatigiinniik kissaatiginerungallarpagut.

Aamma Naalakkersuisut akissutaanni ersarissumik eqqartorneqarpoq inatsisartuni aalajangerneq kingulleq ataatsimoorullugu akuersissutigineqarnikoq taannalu ilanngullugu innersuupparput.

Ilanngullugu eqqaamaqqarput demokratii tunngavingalugu politikkeritut ukiut inuuffiit "sisamaasartut" atugaringivut ilaatigullu politikikkut pisut pissutaallutik ukiut ullulluunniit annikillerujussuartartut.

Taamatut Inuit ataqatigiinniik oqaaseqarluta siunnersuutit taama isikkoqartillugu akuersaanngikkipput maana nalunaarutingaarput.